

SCRIPTA

Numéro Scripta : 4114

Auteur(s) : Louis VIII, France (roi)

Bénéficiaire(s) : Martin Andoile [sergent royal]

Genre d'acte : charte

Authenticité : non suspect

Datation : 1225

Lieu d'émission : Compiègne

Action juridique : échange

Langue du texte : latin

Analyse

Louis [VIII], roi de France, donne à son sergent Martin Andoile et à son héritier mâle ce qu'il avait à la Haie Malherbe, en échange du moulin que le roi Philippe [II] lui avait donné à Vaudreuil.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 341, p. 51 et p. 308.

Texte établi d'après a

In nomine sancte et individue Trinitatis, amen. Ludovicus, Dei gratia, Francorum rex. Noverint universi, presentes pariter et futuri, quod nos Martino Andoile, servienti nostro, et heredi suo masculo de uxore sua desponsata donamus villam de Haya Malerbe et plateas domorum quas ibi solebat habere dominus de Haya Malerbe, et plesseitium circa plateas illas, et redditus bladi et avene, caponum et ovorum, et mercatum et molendinum Herboudi, que habebamus apud Hayam Malerbe, et justitiam ejusdem ville, ad usus et consuetudines Normannie, in excambium unius molendini, quod bone memorie rex Philippus, genitor noster, dederat eidem Martino apud Vallem Rodolii, et quod idem Martinus nobis et heredibus nostris in perpetuum quitavit. Dictam autem villam, cum premissis, que damus eidem in excambium dicti molendini, tenebunt idem Martinus et heres suus masculus de uxore sua desponsata de nobis et heredibus nostris reddendo servitia que villa predicta cum aliis premissis debet, ad usus et consuetudines Normannie, ita tamen quod exinde reddent nobis et heredibus nostris annuatim decem libras turonensium ad duo scacaria. Quod ut perpetue stabilitatis robur obtineat, presentem paginam sigilli nostri auctoritate et regii nominis caractere inferius annotato confirmamus. Actum Compendi, anno Dominice Incarnationis MCCXXV, regni vero nostri anno II, astantibus in palatio quorum nomina supposita sunt et signa : dapifero nullo ; signum Roberti buticularii ; signum Bartholomei camerarii ; signum Mathei constabularii. Data per manum Guarini, Silvanectensis episcopi, cancellarii.